



Broj: 02-11-187/26

Datum: 16.01.2026. godine

Na osnovu člana 10a. tačka b), člana 10a. tačka d), člana 10c. stav (5) i člana 18. stav (2) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 40. Statuta Općine Kladanj - Prečišćeni tekst („Službeni glasnik Općine Kladanj“, broj: 9/11), Općinski načelnik donosi:

O D L U K U

o izuzeću od primjene Zakona o javnim nabavkama

Član 1.

Općina Kladanj kao ugovorni organ iz člana 4. Zakona o javnim nabavkama u BiH (u daljem tekstu: Ugovorni organ) utvrđuje izuzeća od primjene Zakona o javnim nabavkama BiH (u daljem tekstu: Zakon) za nabavku roba i usluga koje su predviđene Budžetom općine Kladanj za 2026. godinu, kako slijedi:

R. br.	Šifra JNJR	Naziv predmeta nabavke	Procijenjena vrijednost bez PDV-a (KM)	Osnov izuzeća od primjene ZJN	Izvor finansiranja Budžet općine Kladanj (BOK) za 2026. godinu i/ili drugi izvori
1.	92200000-3	Usluge medija	4.273,00	Član 10a. tačka b) ZJN	(BOK) 2026 budž.poz. 202 ec. cod 613911
2.	79110000-8	Pravne usluge	6.000,00	Član 10a. tačka d) ZJN	(BOK) 2026 budž.poz. 205 ec. cod 613915
3.	22820000-4	Nabavka matičnih knjiga i ostalih obrazaca	8.547,00	Član 10c. stav (5) ZJN	(BOK) 2026 budž.poz. 175 ec. cod 613488

Član 2.

Ugovorni organ zadržava pravo u slučaju obrazloženog zahtjeva zasnovanog na odredbama Zakona o javnim nabavkama da dopuni kao i da izmjeni ovu Odluku (promjeni procijenjenu vrijednost nabavke i sl.) na osnovu obrazloženja zasnovanog na ekonomskim i drugim pokazateljima, kao što su znatnije promjene cijena u odnosu na cijene u vrijeme procjene vrijednosti, smanjenje ili povećanje količina u skladu sa izmjenjenim okolnostima i sl.

Član 3.

Za predmetne nabavke je predviđeno zaključivanje ugovora u skladu sa odredbama Zakona o javnim nabavkama.

Član 4.

Dostavljanje izvještaja Agenciji za javne nabavke vršit će se u skladu sa članom 75. Zakona i članom 10. stav (3) Upustva o uslovima i načinu objavljivanja obavještenja i dostavljanja izvještaja u postupcima javnih nabavki na portalu javnih nabavki („Službeni glasnik BiH“, broj: 80/22).

Član 5.

Služba za budžet, finansije i poduzetništvo, Stručna služba Općinskog vijeća i Općinskog načelnika i Služba za društvene djelatnosti, opću upravu i poslove BiZ-a su zadužene za praćenje i realizaciju predmetnih nabavki iz svoje nadležnosti u skladu sa zakonom i općim aktima ovog ugovornog organa.

Član 5.

Ova Odluka stupa na snagu danom donošenja i ista će biti objavljena na web stranici općine Kladanj.

OBRAZLOŽENJE

Članom 10a. tačka b) Zakona propisano je da se Zakon o javnim nabavkama BiH ne primjenjuje na ugovore o javnoj nabavci usluga za kupovinu, razvoj, produkciju ili koprodukciju programskog materijala namijenjenog za audio-vizuelne medijske usluge ili radijske medijske usluge koje dodjeljuju pružaoci audio-vizuelnih ili radijskih medijskih usluga, ili na pružanje usluga radio-televizijskog ili programskog emitovanja koji su dodijeljeni pružaocima audio-vizuelnih ili radijskih usluga.

Članom 10a. tačka d) Zakona propisano je da se Zakon o javnim nabavkama BiH ne primjenjuje na ugovore o javnoj nabavci pravnih usluga.

Članom 10c. stav (5) propisano je da su primjene Zakona o javnim nabavkama BiH izuzeti ugovori isključivo između dva ili više ugovornih organa ako su ispunjeni sljedeći uslovi:

- ugovorom se utvrđuje ili ostvaruje saradnja između tih ugovornih organa s ciljem osiguravanja da javne usluge koje oni treba da pruže ostvaruju njihove zajedničke ciljeve;
- je ta saradnja uspostavljena isključivo na osnovu potreba vezanih uz javni interes;
- ti ugovorni organi ostvaruju na otvorenom tržištu manje od 20% djelatnosti na koje se odnosi saradnja.

Nadalje, članom 18. stav (2) Zakona propisano je da u slučaju izuzeća od primjene iz člana 10. ovog zakona ili za dodjelu ugovora o nabavci usluga iz Aneksa II, ugovorni organ dužan je da donese odluku koja, osim zakonskog osnova za izuzeće od primjene ovog zakona, sadrži osnovne elemente iz naprijed navedenog člana 18. stav (1) tač. b), c) i d).

Kako je predmet ovih nabavki usluga medija, pravne usluge i nabavka matičnih knjiga i ostalih obrazaca, utvrđeno je da su ispunjeni uslovi iz člana 18. stav (2), a u vezi sa članom 10a. tačka b), 10a. tačka d) i 10c. stav (5). Cijeneći prethodno navedeno donesena je odluka kao u dispozitivu.

Dostaviti:

- Služba za budžet, finansije i poduzetništvo,
- Stručna služba OV i ON,
- Služba za društvene djelatnosti, opću upravu i poslove BiZ-a,
- web stranice općine Kladanj,
- spis predmeta



OPĆINSKI NAČELNIK
Edis Šarić, dipl. ecc.